



Informe sobre as alegacións presentadas

Asunto: Informe ás alegacións presentadas

Orzamento: 2026

Nº Total presentadas: unha, contén 5 reclamacións

Servizo que informa: Tesoureiro Director Superior Contable e Orzamentario

Publicación BOPPO aprobación inicial: 19/11/2025, nº de Boletín 222

Período de exposición: 20/11/2025 -11/12/2025, ambos inclusive

Data para presentar informe e nova proposta: 15/12/2024

Convocatoria da CI de Orzamentos e Facenda: 15/12/2025

Data da CI de Orzamentos e Facenda: 18/12/2025

Antecedentes

A Xunta de Goberno Local en sesión extraordinaria e urxente do día 23 de outubro de 2025, aprobou o Proxecto dos Orzamentos da Entidade Local e o seu Organismo Autónomo Administrativo, Xerencia Municipal de Urbanismo e os Plans de Actuación e Financiamento das Fundacións que forman parte do Grupo Concello de Vigo: MARCO, LISTE e CONVENTION BUREAU para o ano 2026.

A Comisión de Orzamentos e Facenda, en sesión de data 28/10/2025 en aplicación do previsto no Regulamento Orgánico do Pleno, abriu o procedemento e fixou o calendario para que os grupos políticos municipais poidan presentar emendas ao Proxecto de Orzamentos aprobados pola Xunta de Goberno Local na sesión celebrada o día 23 de outubro de 2025. O prazo de acceso ao expediente para o seu estudo comezou ás 14 horas do día 23/10/2025 (líña 134 do expediente), o prazo de inicio de presentación de emendas quedou fixado o comezou para o día 28/10/2025 e rematou as 12,00 horas do día 04/11/2025.

Seguindo o procedemento legalmente establecido, os Grupos Políticos Municipais, ao amparo do previsto no artigo 83 do Regulamento Orgánico do Pleno (ROP), fixeron uso desta prerrogativa e presentaron emendas ao Orzamento no prazo previsto pola Comisión do que queda constancia no expediente coa data 04/11/2025 e rexistradas polo rexistro do Pleno na data que figura nos documentos que se incorporan ao expediente electrónico.

A Comisión de Orzamentos e Facenda en sesión Extraordinaria do 11 de novembro de 2025, ditaminou favorablemente a proposta formulada (asinada o 5/11/2025) do Proxecto de Orzamento para o ano 2026, contendo o pronunciamento sobre as emendas presentadas.

O Pleno do Concello de Vigo en sesión extraordinaria celebrada o 14 de novembro 2025, aprobou inicialmente o Orzamento Xeral da Entidade Local, o do seu Organismo Autónomo Administrativo dependente, Xerencia Municipal de Urbanismo e o anexo orzamentario das Fundacións: MARCO, LISTE e CONVENTION BUREAU para o ano 2026.

En cumprimento do preceptuado nos artigos 169 e 170 do Texto Refundido da Lei Reguladora das Facendas Locais, aprobado polo Real Decreto Lexislativo 2/2004, de 5 de marzo e artigo 13 da Lei 39/2015, de 1 de outubro, do Procedemento Administrativo Común das Administracións Públicas, o





Informe sobre as alegacións presentadas

devandito expediente estivo a disposición dos interesados no Punto de Acceso Xeral do Concello co enderezo electrónico de referencia da sede electrónica do Concello de Vigo <https://sede.vigo.org>, así como o expediente físico nas dependencias do servizo de Intervención – Contabilidade deste Concello durante o período de 15 días hábiles, contados a partires do seguinte á inserción do Edicto no Boletín Oficial da Provincia, sendo publicado no Boletín Oficial da Provincia de Pontevedra nº 222 do día 19 de novembro, comezando a súa exposición o día 20, e rematando o prazo da mesma as 24 horas do día 11 de decembro de 2025.

No citado período, consonte á certificación que se adxunta incorporada ao expediente electrónico emitida pola Titular do Órgano de Apoio á Xunta de Goberno Local asinada o 12/12/2025, presentáronse polos interesados que regula os artigos 170.1 do TRLRFL e 22.1 do RP, unha alegación que forman parte da documentación que conforma o expediente do Orzamento Xeral para o ano 2026.

Normativa de aplicación

Texto refundido da Lei Reguladora das Facendas Locais, aprobado polo Real Decreto Lexislativo 2/2004, de 5 de marzo.

Lei Orgánica 2/2012, de 27 de abril, de Estabilidade Orzamentaria e Sustentabilidade Financeira.

Regulamento (UE) Nº 549/2013 do Parlamento Europeo e do Consello, de 21 de maio de 2013, relativo ao Sistema Europeo de Contas Nacionais e Rexionais da Unión Europea (en diante SEC- 2010).

Regulamento (CE) nº 1466/97 do Consello de 7 de xullo de 1997, relativo ao reforzamento da supervisión das situacións orzamentarias e á supervisión e coordinación das políticas económicas, coa modificación operada polo Regulamento 1175/2011, de 16 de novembro, do Parlamento e do Consello.

Real Decreto 500/1990, de 20 de abril polo que se desenvolve o capítulo primeiro do título sexto da Lei 39/1988, de 28 de decembro, reguladora das Facendas Locais, en materia de orzamentos.

Real Decreto 1463/2007, de 2 de novembro, polo que se aproba o Regulamento de desenrolo da Lei 18/2001, de 12 decembro de Estabilidade Orzamentaria.

Orde EHA 3565/2008, de 3 de decembro, pola que se aproba a estrutura dos orzamentos das entidades locais, coa modificación incorporada pola Orde HAP/419/2014, de 14 de marzo.

Lei 29/1998, de 13 de xullo, Reguladora da Xurisdición Contencioso-Administrativa.

Lei 7/1985, de 2 de abril, Reguladora das Bases de Réxime Local .

Lei 39/2015, de 1 de outubro, do Procedemento Administrativo Común das Administracións Públicas.

Regulamento Orgánico do Pleno, aprobado o 30 de maio de 2016, publicado no BOP nº 114 do día 15/06/2016.

Ordenanza de Administración electrónica do Concello de Vigo, aprobada polo Pleno da Corporación en sesión do 30 de xuño de 2021.

Réxime legal para a presentación de alegacións e reclamacións ao Orzamento

O artigo 170 do texto refundido da Lei Reguladora das Facendas Locais, aprobado polo Real Decreto



Copia do documento - Concello de Vigo	Data impresión: 14/12/2025 19:43	Páxina 2 de 8
97-142	CSV: A1AFDE-E9AD3H-CCC8EA-XWCBYA-7KVCTJ-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



Informe sobre as alegacións presentadas

Lexislativo 2/2004, de 5 de marzo (en diante, TRLRFL), e artigo 22 do Real Decreto 500/1990, de 20 de abril polo que se desenvolve o capítulo primeiro do título sexto da Lei 39/1988, de 28 de decembro, reguladora das Facendas Locais, en materia de orzamentos (en diante, RP), regula o réxime de reclamacións ao Proxecto de Orzamentos das entidades locais. No apartado primeiro dos artigos 171 do TRLRFL e 22 do RP, establece que contra a aprobación definitiva do orzamento poderá interporse directamente recurso contencioso-administrativo, na forma e prazos que establece a Lei 29/1998, de 13 de xullo, Reguladora da Xurisdición Contencioso-Administrativa.

Lexitimación

En relación coa lexitimación activa para formular reclamacións en vía administrativa á aprobación do orzamento, os artigos 170.1 do TRLRFL e 22.1 do RP, prevén tres categorías de interesados:

- a) Os habitantes do territorio da respectiva Entidade local (artigo 170.1 do TRLRFL e 22.1 do RP en relación co artigo 15 da Lei 7/1985, de 2 de abril, Reguladora das Bases de Réxime Local (en diante, LRBRL).
- b) Os que resulten directamente afectados aínda que non habiten no territorio da Entidade Local (artigo 170.1 do TRLRFL e 22.1 do RP en relación co artigo 4 da LPAC).
- c) Os colexios oficiais, cámaras oficiais, sindicatos, asociacións e demais entidades legalmente constituídas para velar polos intereses profesionais, económicos e veciñais, cando actúen en defensa dos que lle son propios (artigo 170.1 do TRLRFL e 22.1 do RP en relación co artigo 4 da LPAC).

As reclamacións e alegacións presentadas, incorporáronse ao expediente electrónico. Da súa avaliación, todas cumprirían o requisito de lexitimación activa, xa que os reclamantes atópanse nalgunha das categorías de interesados antes enunciadas.

Causas sobre as que se pode alegar ou reclamar

Ademais da lexitimación activa, deben concorrer as causas obxectivas. O apartado segundo do citado artigo 170 do TRLRFL, así como o mesmo apartado do artigo 22 do R.P, enumeran os motivos taxados nos que procede a presentación destas reclamacións en vía administrativa.

1. Un primeiro motivo polo cal unicamente poderán establecerse reclamacións contra o orzamento, ven determinado, por non haberse axustado a súa elaboración e aprobación aos trámites establecidos no propio TRLRFL.
2. En segundo lugar, por omitir o crédito necesario para o cumprimento de obrigas esixibles á entidade local, en virtude de precepto legal ou de calquera outro título lexítimo.

A Lei impón ás Entidades Locais a esixencia de incluír nos orzamentos as oportunas previsións para facer fronte ás obrigas xa recoñecidas directamente pola propia Lei ou mediante títulos ou actos concretos emitidos ou ditados en aplicación directa daquela. Para que exista esta obriga, é preciso que a mesma sexa "esixible", isto é, que a mesma se perfeccionou mediante os actos necesarios para a súa efectividade.

3. En terceiro lugar, por ser de manifesta insuficiencia os ingresos con relación aos gastos



Copia do documento - Concello de Vigo	Data impresión: 14/12/2025 19:43	Páxina 3 de 8
97-142	CSV: A1AFDE-E9AD3H-CCC8EA-XWCBYA-7KVCTJ-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



Informe sobre as alegacións presentadas

orzamentados ou ben destes respecto das necesidades para as que estea previsto.

A doutrina maioritaria soamente permite a reclamación cando tales insuficiencias sexan “manifestas” tal e como fai referencia o precepto, de non ser así, suporía limitar as facultades de decisión económico-financeira que comporta o exercicio da autonomía local.

O artigo 85.3 do Regulamento Orgánico do Pleno, establece que as reclamacións serán informadas no prazo dos quince días seguintes ao de finalización do prazo polo órgano municipal competente en materia de orzamentos, se existira, ou, no seu caso, pola Intervención Xeral que formulará proposta ao Pleno, no caso de que a proposta introduza modificacións ao proxecto inicial como consecuencia da estimación de reclamacións abrírase aos grupos municipais un prazo de presentación de emendas de tres días que só poderán referirse a tales modificacións; debatidas e votadas as emendas a Comisión elaborará un ditame que será elevado ao Pleno para a súa aprobación definitiva se procede.

Lugar de presentación das alegacións ou reclamacións

En canto á forma de presentación das alegacións, estarase ao previsto no artigo 14 da Lei 39/2015 e o previsto na Ordenanza de Administración electrónica do Concello de Vigo aprobada polo Pleno da Corporación en sesión do 30 de xuño de 2021.

O artigo 7 da Ordenanza de Administración electrónica establece os medios de acceso, establecendo os seguintes canles: a) As oficinas de atención presencial que se determinen, incluídas as oficinas de asistencia en materia de rexistro para facilitar o uso adecuado das canles electrónicas, b) A Sede Electrónica e puntos de acceso electrónico aos distintos órganos do Concello e os seus entes vinculados ou dependentes. No seu artigo 6 establece como un deber da cidadanía, utilizar os servizos e procedementos da administración electrónica con respecto das normas de uso para cada procedemento ou servizo.

Nunha aplicación xeral, a presentación de alegacións ou reclamacións, quedan suxeitas a presentación en calquera dos seguintes portais:

- Rexistro web.
- Rexistro de outras administracións.
- Rexistro electrónico do Concello.
- Rexistro presencial, mediante asistencia en materia de rexistro.
- Plataforma de Dirección Electrónica Habilitada Única (DEHÚ).
- Rexistro electrónico da Administración Xeral del Estado.
- Oficina de Rexistro Virtual (ORVE).
- Correo postal.

Calquera reclamación ou alegación non presentada a través dos rexistros ou portais relacionados ou segundo o procedemento regulamentado na Ordenanza de Administración Electrónica do Concello de Vigo, non se terá en conta.



Copia do documento - Concello de Vigo	Data impresión: 14/12/2025 19:43	Páxina 4 de 8
97-142	CSV: A1AFDE-E9AD3H-CCC8EA-XWCBYA-7KVCTJ-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



Informe sobre as alegacións presentadas

Tipificación de inadmisión ou rexeitamento

Aquelas alegacións que estean no marco xurídico do artigo 170.1 e 170.2, é dicir, que o alegante teña lexitimación para presentar a mesma, e ademais, a alegación estea nos supostos taxados no apartado 2 do artigo 170 TRLRFL, nese caso, estudada e avaliada tecnicamente, o órgano político pronunciarase sobre a aceptación ou rexeitamento.

No caso no que non exista lexitimación ou non se corresponda cos supostos taxados no apartado 2 do artigo 170 do TRLRFL, a alegación será inadmitida.

En calquera dos supostos previstos, o informe detallará en síntese o contido da alegación e xustificará a causa da inadmisión ou se fose o caso, do rexeitamento/desestimación.

Unha vez que queda tipificada a lexitimación activa e as causas polas que se poden formular reclamacións e alegacións ao Orzamento Municipal, as que se someten a informe son as seguintes:

Alegacións presentadas

Alegación presentada (5 solicitudes) polo Sr. Presidente da Asociación veciñal de Teis co número de rexistro do documento 250353364.

A alegación consta dun documento que reflicte cinco solicitudes cuxa síntese se reflicte.

Alegación nº 1.- Aumentar a aplicación para o acondicionamento antigo ambulatorio de Teis, Biblioteca, en 983.000 euros, diminuíndo a contía da aplicación número 3260.2279917, Programa educativo aulas internacionais, quedando esta aplicación cunha dotación de 2.342.000,00 euros.

Alegación nº 2.- A inclusión dunha nova aplicación de mellora do Parque da Riouxa e de Guía por 900.000 euros, financiándose coa diminución da aplicación 4320.2279900, instalación e mantemento do alumeado do Nadal, quedando esta aplicación con 1.528.077,00 euros.

Alegación nº 3.- Aumentar a partida de accesibilidade a Praia da Punta en 150.000,00 euros, detraendo da aplicación 4320.2279901 programa de decoración e animación de Nadal, quedando esta aplicación cunha dotación de 1.000.000,00 euros.

Alegación nº 4.- Incluír unha aplicación para o acondicionamento auditorio de Teis por 50.000,00, retraendo o crédito da aplicación 9120.2279906, produción e seguimento plan de medios, quedando esta aplicación con 300.000,00 euros.

Alegación nº 5.- Incluír unha aplicación por una contía de 45.000,00 euros, para actuación de mellora na Vía Verde, retraendo o crédito da aplicación 9120.2279905 programas alcaldía, quedando esta aplicación con 75.000,00 euros.

Contestación.

A lexitimación activa ven determinada pola súa condición de colexios oficiais, cámaras oficiais, sindicatos, asociacións e demais entidades legalmente constituídas para velar polos intereses profesionais, económicos e veciñais, cando actúen en defensa dos que lle son propios (artigo 170.1 do TRLRFL e 22.1 do RP en relación co artigo 4 da LPAC. Neste caso, a lexitimación está na súa condición de presidente da Asociación de Veciños de Teis.



Copia do documento - Concello de Vigo	Data impresión: 14/12/2025 19:43	Páxina 5 de 8
97-142	CSV: A1AFDE-E9AD3H-CCC8EA-XWCBYA-7KVCTJ-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



Informe sobre as alegacións presentadas

En relación coas alegacións presentadas, ningunha está nos supostos taxados no artigo 170.2 do TRLRFL, non responden a ningún dos supostos relacionados no precitado precepto, polo que, non ten a cualificación de alegación, tratase dunha proposta de aplicación alternativa dos empregos orzamentarios (emenda, institución regulamentada para os grupos políticos con representación municipal), non dunha alegación interposta por unha asociación veciñal.

A canto ao financiamento da presunta reclamación, propónse o financiamento do incremento de gasto con aplicacións orzamentarias asociadas a contratos, polo que non poden ser reducibles, xeraría unha insuficiencia de recursos para atender obrigas contractuais, o cal, non resulta axustado a Dereito.

En todo caso, o proxecto de acondicionamento do antigo ambulatorio de Teis, en un gasto plurianual, cuxa execución tense que materializar en Dous anos, polo que, a contía dotada na aplicación 9330.6320000 por 50.000,00 euros, ten por finalidade manter aberta a aplicación por si resultase necesario incrementar o gasto cunha transferencia de créditos positiva, xa que a dotación deste crédito no ano 2025 é suficiente para afrontar a totalidade da obra, que tiña no orzamento inicial do ano 2025 unha dotación de 900.000,00 euros, que foi suplementada coa modificación orzamentaria 56, 56A/2025, expediente 96/142, con 500.000,00 euros, sendo a contía do orzamento do proxecto por un importe menor, polo que o crédito asociado ao proxecto é suficiente para afrontar a execución do mesmo. Hay que facer especial mención a que o proxecto e o orzamento do mesmo, está formado por técnicos competentes na materia, polo que, hai que presupor, que as contías non son caprichosas e están formadas con prezos unitarios de mercado.

En canto ao Parque da Rioux e da Guía, o servizo de Parques e Xardíns, ten unha dotación xenérica en mellora de parques e zonas verdes no artigo 61, por unha contía de 1.427.500,00 euros, que si se considera prioritario ese investimento, poderán acometerse as melloras nos devanditos parques que o Servizo considere necesarias.

En relación coa accesibilidade á praia da Punta, o servizo de medio ambiente e praias, ten proxecto por esta contía, polo que, a dotación é suficiente para afrontar este investimento, segundo criterios técnicos, descoñecendo este técnico si o reclamante ten unha información mais precisa que os técnicos redactores do proxecto.

En canto a dotación de mobiliario e medios no ambulatorio de Teis, non parece adecuado estar dotando para o ano 2026 unha aplicación para a dotación de funcionamento cando non está rematada a obra, as dotacións de medios operativos acométense cando se recibe a obra.

Por último, a mellora de reposición solicitada para a Vía Verde, pode ser acometida coa dotación que dispón o Servizo de Parques e Xardíns, descoñecéndose se a necesidade que pode ter esa infraestrutura require unha actuación de gasto de mantemento ou de investimento de reposición.

No entanto, o financiamento que propón o alegante de 2.158.000,00 euros, resulta ficticio, xa que desta contía 2.083.000,00 euros está asociado a contratos vixentes, non sendo reducibles.

Os contratos afectados que o seu crédito está asociado a unha relación contractual certa son: Instalacións e mantemento alumeado nadal (900.000,00 euros), Programa educativo aulas internacionais (983.000,00 euros), Producción e seguimento de medios (50.000,00 euros), programa de decoración e animación de nadal (150.000,00 euros), limitación que a propia Lei 9/2017, de Contratos do Sector Público regula aos efectos dos modificados dos contratos, e en varios casos, dado a súa contía e porcentaxe a modificar, estarían suxeitos a ditame do Consello Consultivo (artigo 191.3 da LCSP), así como, estar dentro das porcentaxes que fixa os artigos 203 e seguintes da Lei.



Copia do documento - Concello de Vigo	Data impresión: 14/12/2025 19:43	Páxina 6 de 8
97-142	CSV: A1AFDE-E9AD3H-CCC8EA-XWCBYA-7KVCTJ-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



Informe sobre as alegacións presentadas

As solicitudes contidas na alegación non se axustan a Dereito, por:

- i) Non estar nos supostos taxados no artigo 170.2 do TRLRFL,
- ii) propor a inclusión de novas aplicacións de gasto ou aumento das existentes financiadas con baixas de outras aplicacións non susceptibles de reducir por estar asociadas a contratos formalizados, polo que, a alegación está desequilibrada xerando un desequilibrio orzamentario contrario ao previsto no artigo 168 do TRLRFL, en consecuencia, o Pleno debe acordar a súa inadmisión.

Conclusiones

O proceso de formación-elaboración e aprobación do Orzamento someteuse ao procedemento regulamentado no TRLRFL.

En relación ás alegacións presentadas polo Sr. Presidente da Asociación veciñal de Teis co número de rexistro do documento 250353364

Os fundamentos xurídicos da súa inadmisión, xa xustificados no informe, en síntese son:

- Non se atopan encadradas en ningún dos supostos reclamatorios especificamente taxados polo artigo 170.2 do TRLRFL, non responden a ningún dos supostos relacionados no precitado precepto, polo que, non teñen a cualificación de alegación, tratase dunha petición de novas aplicacións orzamentarias ou de aumento das existentes, que terían a súa ubicación na institución de emenda, aínda que esta é a forma de vehicular as alegacións presentadas polos grupos políticos con representación municipal á Comisión de Orzamentos e Facenda previo á aprobación inicial dos orzamentos polo Pleno da Corporación.
- Por xerar desequilibrios orzamentarios ao proporse o seu financiamento con cargo a baixas de aplicacións asociadas a contratos formalizados, non susceptibles de reducir, agás previa modificación contractual.

Corrección de erros

1.- Na aplicación orzamentaria 2310.4800020 "CONVENIO ASOCIACIÓN ABERTAL", o nome do beneficiario nominativo quedou do ano anterior, sendo o correcto, coa mesma contía, o beneficiario "VIGO INCLUSIVO ASOCIACIÓN IGUAL ARTE".

Tamén debe corrixirse o erro no CADRO DE SUBVENCÍONS NOMINATIVAS (Linea 52 do expediente) que figura "CONVENIO ASOCIACIÓN ABERTAL", CIFG36633394 e debe figurar "VIGO INCLUSIVO ASOCIACIÓN IGUAL ARTE", CIF G36427524.

2.- Corrección erro no número de proxectos que figura no Plan de Actuación e Financiamento Cuatrianual, Linea 50 do expediente, no proxecto codificado co número 26342030, debe figurar 25342041, e no proxecto 26431000, debe figurar 21431200, sendo a xustificación que xa estaban así creados na modificación orzamentaria 56/2025, expediente 96/142, polo que debe ser esa codificación a que lle corresponde a cada un dos proxectos.



Copia do documento - Concello de Vigo	Data impresión: 14/12/2025 19:43	Páxina 7 de 8
97-142	CSV: A1AFDE-E9AD3H-CCC8EA-XWCBYA-7KVCTJ-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



Informe sobre as alegacións presentadas

A corrección de erros materiais no ámbito administrativo permite rectificar de oficio ou a instancia de parte aqueles erros evidentes que non afectan o fondo do acto administrativo. Estes erros poden ser de feito, aritméticos ou materiais, e deben ser manifestos e obxectivos, sen necesidade de iniciar un procedemento formal de revisión.

O fundamento xurídico desta figura está reflectida no artigo 109 da Lei 39/2015, de Procedemento Administrativo Común das Administracións Públicas (LPAC), que establece que as Administracións públicas poden rectificar devanditos erros en calquera momento, mesmo cando o acto xa adquirise firmeza.

Proposta

En canto á proposta, unha vez que se reflecta a inadmisión ou rexeitamento das alegacións presentadas, o contido será o mesmo que o aprobado polo Pleno da Corporación en sesión do 14 de novembro 2025, que se corresponde coa aprobación inicial do Orzamento, non requirindo a incorporación de ningún informe adicional, coa excepción da nova proposta que formule o Sr. Concelleiro Delegado de Orzamentos e Facenda.

En canto á resolución das alegacións, o Pleno dispón do prazo dun mes para resolvelas, contado a partires do día seguinte á finalización do de exposición ao público, e as reclamacións consideraranse rexeitadas en calquera caso se non se resolven no acordo de aprobación definitiva (artigo 20 do RP).

As alegacións presentadas en prazo e forma, polos canles legalmente establecidos e das que se tivo coñecemento até as 24 horas do día 11 de decembro, foron avaliadas, considerando que aquelas que non cumpran este requisito, entenderanse rexeitadas pola aplicación do artigo 20 do Real Decreto 500/1990.

Tendo en conta o anterior, formúlase ao Pleno da Corporación, previo ditame da Comisión Informativa de Orzamentos e Facenda, a Proposta que asina o Sr. Concelleiro Delegado de Orzamentos e Facenda.

En Vigo á data da sinatura electrónica

O Tesoureiro - Director Superior Contable e Orzamentario: Luís García Álvarez



Copia do documento - Concello de Vigo	Data impresión: 14/12/2025 19:43	Páxina 8 de 8
97-142	CSV: A1AFDE-E9AD3H-CCC8EA-XWCBYA-7KVCTJ-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		